

# LA CONTA DI RA SAINT-NICOLAS (GIUSEPPINA BLANC)



lo gnalèi

## Padze 1

Eun passèn dézò la CLLENDÀ, eun RA s'è rachà la PI.

## Padze 2

Lo ra va eun tchi lo CORDAGNÌ é lèi di :

« Cordagnì, soplé, quioi-mè la pi que dz'i rachà eun passèn dézò la clenda ! ».

« Bièn cheur ! Mi mè dz'i fota de SÈYA di pouer », lèi repón lo cordagnì.

## Padze 3

Lo ra va eun tchi lo POUER é lèi di :

« Pouer, soplé, bailla-mè de sèya pe lo cordagnì ! ».

« Bièn cheur ! Mi mè dz'i fota de FAÈNA », lèi repón lo pouer.

## Padze 4

Lo ra va eun tchi lo MELEUN-Ì é lèi di :

« Meleun-ì, soplé, bailla-mè de faèna pe lo pouer ! ».

« Bièn cheur ! Mi mè dz'i fota de GRAN », lèi repón lo meleun-ì.

## Padze 5

Lo ra va vire lo TSAN é lèi di :

« Tsan, soplé, bailla-mè de gran pe lo meleun-ì ! ».

« Bièn cheur ! Mi mè dz'i fota de DREUDZE », lèi repón lo tsan.

## Padze 6

Lo ra va eun tchi la VATSE é lèi di :

« Vatse, soplé, bailla-mè de dreudze pe lo tsan ! ».

« Bièn cheur ! Mi mè dz'i fota de FEN », lèi repón lo pro.

## Padze 7

Lo ra va vire lo PRO é lèi di :

« Pro, soplé, bailla-mè de fen pe la vatse ! ».

« Bièn cheur ! Mi mè dz'i fota de l'EUE », lèi repón lo pro.

## Padze 8

É lo ra va vire lo RU é lèi di :

« Ru, soplé, bailla-mè d'ue pe lo pro ! ».

## Padze 9

Adòn lo RU baille d'EUE i RA que la porte i PRO ;  
é lo PRO lèi baille de FEN que lo ra porte a la VATSE ;  
é la VATSE lèi baille de DREUDZE que lo ra porte i TSAN ;  
é lo TSAN lèi baille de GRAN que lo ra porte i MELEUN-Ì ;  
é lo MELEUN-Ì lèi baille de FAÈNA que lo ra porte i POUER ;  
é lo POUER lèi baille de SÈYA que lo ra porte i CORDAGNÌ ;  
é lo CORDAGNÌ lèi quioi la PI que lo RA s'è rachà eun passèn dézò la CLLENDÀ !